



Kat. Koop.  
8131

Augustianie







8131

AUG.











MORTUUS IN VITA  
 &  
 VIVUS IN EADEM MORTE FUISSE  
**B. STANISLAUS CASIMIRITANUS**  
 Sacerrimi Ordinis S. Augustini Canonicoꝝ Lateranensium  
 PROFESSUS CANONICUS PRESBYTER  
 Regni Poloniæ, Academiæ Cracoviensis  
 Urbisq; Casimiræ ad Cracoviam  
 SINGULARIS PATRONUS  
 & miraculis CELEBRIS  
*incidente sacrata sibi Ferie*  
*Hospitanti Gravissimorum Virorum Frequentia*  
*in Templo Sanctissimi Corpori Domini ex miraculo Augustè fundato*  
*impellente debita veneratione*  
*per*  
*M. Michæle'm Axan A.A. LL. & Philæ Drein. & Professorem*  
 PROMULGATUS.



*Cracoviæ Annò Domini 1766. Die 3. Maji.*  
 Ex prelo Typographico Seminarii Episcopalis Academico-Diœcesani.



ILLUSTRI & ADMODUM RENDO DOMINO,  
D. JOSEPHO  
SAWICKI,

Ecclesiarum; Parochialis Neoforensis PRÆPO-  
SITO, Szaflariensis atq; Klikofzoviensis CURATO,  
DOMINO & MÆCENATI OPTIMO.

*Author opellæ S. & P. vovet.*

*Aug. 8131*

Cum multum animo revolvebam & sæpe cogitabam;  
quo fortunato comparari posset eventu, ut pro Tue  
faventis gratiæ in me venientibus studiis aliquando gra-  
titudinis indicium darem; tum modo bene mihi consului,  
quatenus ex præsentī dedicatione nomen regratificantis  
quametsi aliquantulum vendicarem, ad meq; acciperem.

Verum quidem est: quod nusquam ego virium mearum  
robur æquabile esse intelligebam, nec pro multitudine  
gratiarum me posse satisfacere quandoq; confidebam,  
sed potius in ejusmodi cogitatione non mediocrem hancce  
semper acerbam molestiam capiebam. Nihilominus dedit  
Optimus Deus & Maximus, quia cum Oratoriam laudā  
Dm̃i STANISLAI CASIMIRITANI provinciam

1967 D 76 St. Dr. suscepi,



suscepi, tunc in animo eximiam voluptatem percepi,  
atq; in meo pectore letitia sat copiosè excrevit. Sta-  
tim enim, Favor Tuus meam gratitudinem excitavit  
ad præsensq; obsequium movit, ut videlicet: minutam  
quamvis hanc operam Nomini honnoriq; Tuo dedicarem.  
Atq; quòd ausus fuerim dedicare, non immeritò feci.  
Etenim plurima Tuae benevolentiae debeo; & exinde:  
quia illa per meam ætatem Literis humanioribus in  
Universitate Scientiarum Cracoviensi me accommodare  
fecit, & hinc: quia eousq; favens & gratiosa existit.  
Eapropter vellem aliquam Tibi sufficientem in hac  
insinuatione reciprocationem exprimere, seu vellem gra-  
titudinem meam intendere ad Te laudandum his (quæ  
de Genere, sapientia, prudentia, eruditione, pietate,  
cæterisq; id genus excelsioribus in Te coruscantibus vir-  
tutibus veniunt) encomiis; verùm si id facere conarer,  
mibi Tuum Favorem; quem magni semper facio, viola-  
rem atq; exacerbarem. Igitur dicere nihil, potius ele-  
gero, quàm Tuum Favorem amittere. Attamen patiare  
me dicentem modicùm. Eximiis virtutum & probitatum  
ornamentis resplendes aded: ut quantò altius ad præ-  
clara quæq; & excelsò Tuò animò digna interruptè  
ascendis; tantò longius volentes laudibus Te prosequi  
conatus relinquuntur, & encomiorum vestigia magis pu-  
silla conficiantur. Hinc itaq; quilibet bonus rerum æsti-  
mator præsentire affatim potest, quo & qualì modò cele-  
brari



brari debeas. At bellè ego advertens Tibi Mæcenati  
Optimo cum multis aliis virtutibus, etiam mansuetu-  
dinem singularem inesse; eatenus Te; Qui omnem huma-  
nitatem spiras, velim habere rogatum atq; obsecratum:  
ut nempe acceptare digneris prona voluntate hanc te-  
nellam ingenii mei portionem, utiq; dici meretur gravis  
& acceptanda, cùm; quia laudes (etsi progenii mei uber-  
tate aliquantæ) Dñi STANISLAI CASMIRITANI  
in illa continentur, tum; quia Nomine Tuo condecorata.  
Pro hac tandem mihi præstita benevolentia, præter fer-  
ventem; quo esse debeo erga literarum Amatorē meumq;  
Mecænatem Optimum amoris & observantiæ affe-  
ctum; meum erit officium per omnem vitæ decursum  
animum non ingratum ubiq; circumferre, itemq; pre-  
cari: ut Te Illustris Domine Mecænas! Tuasq; pro-  
speritates Optimus Dominus ope Dñi STANISLAI  
preces coram Se reponentis sorte repleat, repletas in  
bono eventu foveat, plurimos ad annos nexas Te cum  
transmittat.





# ORATIO.



Quando AA. in annis superioribus amore philadelphico erga Sacerrimā Canonicoꝝ Lateranensium Religionem, at verò peculiari modò officiosa devotaq; in Dñum STANISLAUM CASIMIRITANUM affecti voluntate Jagelonei Academici, pro persolvendo cultu Eidem Sanctissimo Viro unquam interruptum circa Nonas Majas verba laudationibus referta ex Cathedra ad frequentissimum Auditorum confluxum more & tenore Oratorum multis de causis fundere consueverant; tunc in eisdem, quā amēnitate temporis, quā inita præsenti celebritate compositis feriis, cū ejusmodi lubens in me acceperim otium, non dispari fine STANISLAUM aliquanta laudum collectione (quoad minuta genii suffecerit copia) proseguere me vellemus. Consueverant inquam pluribus à sæculis Cracovienses Academici quotannis hīc pro laudibus STANISLAI verba spargere. Etenim præter suam voluntatem, hujus loci sacra Authoritas, venustissima Auditorum Majestas, Diei sanctæ amēnitas, tum, quo magno opere lætandum erat; Dñi STANISLAI ingens magnitudo virtutum sese ubiq; laudantium illis concitamento præfuerat. Ego tandem AA. in quantum simili passu apud me sancivi nunc perorare, præter id, quòd pariter mentem studiosam advertam contineri in me, inusitata voluptate perfundor, cū mihi in eo Templi augusti



est dicendum loco, qui se, STANISLAI facta bona & opera deprædicanti ( si fuerit necesse ) reapse oculatum in testem conciliabit. Neq; exhorresco, potius velut tripudiantis animi incrementum sentio, quando mihi tanta coram Majestate Virorum sint facienda verba, ubi probè intelligam, me quidquid in præsentiarum dicturum, dicturum coram eis, qui suo amore duce, devotione comite in Sanctissimum Virum, ad hunc convenerunt locum atq; ex seipsis isthanc lectissimam composuerunt coronam. Dicei etiam STANISLAO sacræ si mente amplitudinem concepero? hæc in me nullam ad absolvendum susceptum negotium conturbationem movet, cùm veriùs, quemadmodum in se læta est, me parî momentò ea; quam paulò superiùs memini, voluptate quodammodo perfundat, itemq; ut aventer hilaritatem præmeferam, oculis mandare, menti intimare non sinat. Haud ipsæ, de quibus omnino perorandum est STANISLAI virtutes, quòd sint omnes tanquam in unum compendium congestæ, multitudine vix numerandæ, & hinc pro viribus dicentis vix ferendæ, tristem Oratori opinionem, quandam consternationem vel trepidationem pariunt, aut possunt aliquas impingere tricas; siquidē laudatas virtutes cùm intueri ordior, illico odorem earundem quasi myrrhæ haurio suavissimum, ille tandem mentem exhilarat; animi vires suscitât, robur dicendi accommodat, studium ferventius causat, genium divitiorem reddit, ac insuper ( quod omni dulcedine gratius ) ad ampliùs differendum satîs copiosam quasi rupto aggere impetit manare materiam. Quametsi verò hîc Oratorem esse oporteat bene versatum & quotidianum rebus in magnis, in his nempe rebus, quæ illi uberiores pro tanti encomio Viri, dicendi afferre valerent & suppeditare affluentiam; ego tamen utpote hospes rerum audebo, imò debebo audere hoc ex loco labiis



biis ulteriorē licentiam dare. Etenim bellè recognoscō Viri  
 gravissimi, qui & qualis sit, tum Vestri omnem urbani-  
 tatem superantis confessus finis, cū meæ, quid ante  
 se ferat & quomodo sonet intensiōis ratio. Atq; exin-  
 de fateor ingenuè: est mihi animō non despondendum  
 est! ambiente me, de Vobis affatim scaturiente humanita-  
 tis abundantia, vel ex eo fonte impavidiūs; quōd cū  
 deducere affedarem, quale STANISLAI in vita nego-  
 tium fuit? pace Vestra mea quantaquanta foret, prospe-  
 rē tamen flueret oratio, ac dicentem procul tædio au-  
 directis. Est mihi non verendum! omni gravi in sparta,  
 mentes langventes fulciete audacia, vel eapropter con-  
 fidentiūs; nam etsi significarem verbis STANISLAUM  
 CASIMIRITANUM vixisse non sibi, vixisse non vanitati;  
 sed Divino amorī & charitati proximi vixisse, Vestrā nihi-  
 lominus in attentione veniā assequerer. Est mihi lætandū!  
 impulsu suprafatorum cogente, vel deniq; idcirco exu-  
 berantiūs: utiq; dum contemplari vellem, quodnam calcar  
 STANISLAUM excitabat ad non parcendum curis & la-  
 boribus pro integritate conservanda Matris nostræ inte-  
 merata Ecclesiæ Romano-Catholicæ. dum insuper suspica-  
 ri attentarem, quā multū sudavit, quā non fucato  
 ardore, ast avida & exultanti contentione pronus fuit  
 STANISLAUS ad fundendos acerbos pro dulci legendo  
 Sanctimonix fructu sudores, quā magnopere anhelabat  
 corporis & animi enervare vires pro Dei gloria & ho-  
 nore, dum inquam talem aut similem scopum; ad quem  
 tota præsens diverteretur loquela annotarem, certē fa-  
 vente Vestra humanitate oratio mea in hoc ornatissimo  
 Vestro congressu agigaretur atq; fluitaret pacificē, tum  
 præter dubium animorum auscultationem neutiquam ob-  
 scurē intellectam haberem. Neq; verō; quōd in Vestra  
 præsentia meus ita ubertim præconceptus ad dicendū  
 proliat fervor; animadvertatis me aliqua ambitione at-



tentatum esse, cū illam orationem dicam, quam mihi non quidem ut debuit, sed ut valuit profunda in Sanctissimum Virum veneratio, debita in Vos ornatissimos observantia construxit. Atq; ea sunt animi vires qualesquales illæ, & linguam excitantia ad dicendum.

Verumenimvero ut illud, quod fidei meæ eum in locum reservatum est accuratiùs exequar, Sacerrimum Lateranensium Canonicorum intensè prospicio Cætum; ita verò prospiciens STANISLAUM CASIMIRITANUM video, at videndo bene exploratum habere possum, ac luculentè legere, qualia Ille & quàm gloriosa conversationis humanæ reliquerat vestigia. Scilicet: est Sol in Cælo, non tamen prodest Cælo, sed nobis hominibus: vixit STANISLAUS in mundo, non tamen vixit mundo, sed Summo Deo divisq; Cælitibus. Sunt pretiosa metalla abscondita in terra, non tamen profunt terræ, sed suam cervicem pede quatientibus. vixit STANISLAUS positus in corpore, non tamen corpori vixit, sed Cælo in ordine rerum creatarum supremo. Viget per sepe vera probitas contenta inter vibrata se adversus scelera, non tamen sceleribus viget, sed contraveniens magis ac magis splendet. vixit STANISLAUS tertio duellum expediendo cum hoste, non tamen illius quandoq; spolio vixit, sed suis triumphis vixit. Eapropter vitā suam transmutabat in mortem, mortem pariter conficiebat in vitam. Perindeq; vivum & non vivum inter homines STANISLAUM fuisse mirari non incongruum fuerit. Et cū STANISLAI vita (ut ecce innotescit) mors nuncupari, ea tandem mors vita profectò appellari debeat, idcirco meā intererit, illa Vestris ad coram animis documenta ponere, quæ Dñum STANISLAUM CASIMIRITANUM *mortuum in vita, & vivum in eadem morte fuisse* indicabunt,

Divi-



Divinissime Lateranensis Canonice STANISLAE!  
quemadmodum vitam tuam mortem, & mortem extitisse,  
vitam meis Auditoribus spopondi verborum decursu ef-  
formare, eatenus coram Omnipotenti, Quem in Sanctis  
Ejus glorificare & laudare debemus, meam dignare titu-  
bantem, ut Te officiosè deprædicet; eloqui tenuitatem  
sublevare.

Cùm verò AA. jam Vobis omnimodè liqueat, quem  
ad locum cætera Orationis propendebunt & collimabunt  
verba, ideo Vestram gravissimam Concionem rogatam es-  
se percipio, ut, inquantum humanissima est; meum infans  
in dicendo eloquium non reluctanter excipere velit, ac  
etiam obsecro: benevolam in audiendo polliceatur atten-  
tionem; utiq; non tantò temporis intervallò patiar vela  
orationis resoluta esse, quantò Vobis posset afferri mo-  
lestia.

Si ea omnia, quibûs STANISLAUS cùm in vita  
mortuus, tum in morte vivus Vestro æquè gravi ac sva-  
vi auditorio ad facietatem delinearetur, documenta cumu-  
lare in medium tentarem atq; periclitarer, certè meâ  
quemadmodum gracilis pessundaretur eloquentia, & ita  
præ magnitudine, seu quòd copia me inopem redderet,  
aut parum, aut (quod absit à me) penitus nihil robo-  
ris ad retinendam in gratiam laudum STANISLAI ex-  
positam materiam differens elaborarem. Etenim quot sunt  
bona & gloriosa opera STANISLAI, sese totidem do-  
cumentis ostendunt. At cùm ea gloriosa opera nimis  
denso me circumstant agmine, haud inaniter; ni confi-  
derem Divinas apud cæptam provinciam hospitari sup-  
petias; periculosa alea mihi metuenda esset. Quidquid  
verò sit, nihilominus mox negotium aggrediar, ut Ve-  
stram in attentione gratiam proposito fine reficiam. Prius  
tamen id, quod ope argumenti referre in medium cen-  
sui



sui enucleavero. Et non sentiat *AA.* eapropter id à me fieri, ut Vos, ubi omnis eruditionis incolatus; doceam, verum; ut me dicentem meamq; opinionem cumulatè animis Vestris subjiciam, tum præfertim, ut cùm videam præter Vos gravissimos Viros egregiam Juventutem pariter fidei pietate ad hancce amplificandam solemnitatem compulsam; illa etiam suis auribus commodiùs sonum Orationis excipiat, exceptum luculentiùs animò intelligat. Nempe: meum est comprobare, quomodo *STANISLAUS CASIMIRITANUS* dum fuerit vivus, mortuus extitit: tandem ita mortuus, quomodo vixerit? sed comprobando mortis inimicæ, non est meum excitare quosdam terrores, qui festivitatis Viri gloriosi tantam serenitatem nubibùs atris mestitiæ sepelire prensarent. Quandoquidem in Sanctissimo vivente Viro mortem gloriosam & triumphantem dignoscere, si verò talem, utiq; lætam & affabilem oportet suspicari, unde pretium ac evidentia operæ invenietur. Atq; talem *STANISLAUM* si nactus fuero, Ille profectò Vobis coram benignè asseverantibùs animis mortuus in vita fuisse reputabitur. Reputabitur autem potentiùs, cùm Idem Dñus Vir ceu effigies intensius anteponetur oculis. Jamq; istam effigiem respiciamus. Et ita: quæ duæ res, labor & amor ad mortem in vita comparandam plurimùm valent; hīs *STANISLAUM* majorem in modum emicuisse luculenter compertum. Labor; quem alii difficilem arduamq; ad bona facinora viam esse appellant, *STANISLAO* plana, haud aliquando difficilis visa est, amor ad obtinendum virtutis æquè splendorem ac varietatem *STANISLAUM* induxit; quin rerum harum adminiculò in vita mortuus extitisse perspicuè videretur. Equidem: positò à parte, quòd *STANISLAI* Parentes Mathias & vitæ socia Hedvigis denos aliquot annos sterilitatem perpelli cùm fuerint insignes pietate



pietate pariter, ut voluntatis suæ resignatione in DEUM, DEUS quemadmodum Optimus & in operibus Maximus, juxta vota ipsorum dispensavit, nam illis Filium unicū solatium, felici verò Cracoviensi sæculo immortalē gloriam concessit. Parentes itaq; in suis desideriis confirmati atq; inusitatē recreati præter id, quia omnes conatus eò dirigebant, ut Filius carissimus ferne Dexterâ Domini efformatus aliquando sanctis Ipsius redderetur obsequiis; in nullas alias intentiones conspirabant. Prætermisso inquam hoc, pensitemus intensò animò Infantem STANISLAUM tunc, quando Illi, numerum infra denarium positi anni fervorem cum sanctimonia singulari ad legendam ex literis in Cracia Academia dulcedinem contulerunt. O quàm prosperè literariam navim STANISLAUS labore gubernavit! dum omnes difficultates non ægrò animò sustinens, turbines ac fluctus maximos ita navigantibus frequenter obvenire solitos minimè perhorruit. Ille enim spiritum & animum ne minimum quidem ad hujusmodi tempestates; quæ mundanæ vanitates forent, habuit. Non itaq; reor talem reperiri hominem, ut hisce vivum STANISLAUM extitisse asseveret. Perspectum etiã non memini unde habeo, laborantibus Summū allaborare Dominū; atq; ego dicere possum & debeo: laboranti STANISLAO ad se mortuum in vita efficiendum allaboravit Dominus. Dignum enim admiratione magna illud est, cùm tandem STANISLAUS ex infantiae suæ procinctu in illum qui certè lubricus est, adolescentiæ campum translatus fuerit, tunc in labore STANISLAUM modestiâ; quæ animum rebus temporaneis necessitat mori; constitit circumdatum fuisse adeo: ut STANISLAUS ab illa ne ungue quidem (prout vulgaris fert sententia) quandoq; discesserit, atq; unquam avelli potuerit. Si labor & timor Domi-  
ni in



ni in Juventute defiat, planè sibi illa non mortem ad pravitates, sed vitam cum eis & agitationem polliceri debet, STANISLAUS tanto incubuit, quantò à mundanis cupediis avulsus mundo jam incomparabilis, carni inutilis, tertio deniq; vitæ humanæ refragario inflexibilis redderetur. Atq; cum factum sit profectò AA. STANISLAUM mundo, carni & tertio hosti fortiter restitisse, perindeq; nemini Vestrûm incompertum esse arbitror, quin à mundanis; quæ vasa fragilia ad nostram cautionem vocitantur, cupediis avulsus fuerit? ut videlicet eo ipso à se Mentium sanctarum perturbatores expediret, profligaret, insuper ut in teneris diebus vitam ad fortunam transitoriam paulò nobiliorem terram annihilare indicaret, ac in senecta ulteriori mortem spiraturum se commonstraret. Et certè: quis dicere audebit? STANISLAUM suffragante labore fuisse contentum in sancta animi modestia timoreq; Domini: de quibus cæteræ virtutes oriuntur; & vanis cum illecebris potuisse conversari, blandimentisve mundanis agitari. Ille fortassis affirmabit, qui aut toto orbe notissimarum rerum in ignorantia versatur, aut penitus homo non est. Enimvero: non tantùm in infantia, adolescentia, sed etiam provectioni in ætate si commemoravero quid cum Stanislao factum? quid tandem cum labore amor ad moriendum contulit? reapse stupor augetur, admiratio paritur. Magna omnino vis laboris in STANISLAO fuit, nec pariter minor amoris DEI in vita ad suum interitum. Confert amor Divinus non debere annecti divitiarum; cum ipsæ laqueus hostilis sint, tenebroso splendori. Confert ille ipse neminem agitandum esse atq; movendum corporis incendiò. Confert deniq; repulsam ad frangendum erebi occursum. Atq; etiam hoc ipsum STANISLAUS amore Divino operatus est.

Et si



Etſi enim mundus fautor acerbus (ut quandoq; aſſeritur) & deceptor pollicebatur STANISLAO multam fortunam, pollicebatur honores, pollicebatur ad omnes ſui partes fortem, pollicebatur inſuper repleta voluptatibus tempora; attamen quidquid moliebatur ex Stanislao efficere, certè ſemper inanes ſollicitudines impendit, cum illas vanas allectiones ob amorem Divinum Stanislaus ſibi non admittit, immo ſprevit, abnegavit, repudiavit, renuit. Etſi quando corporalium deliciarum ebulliebant niſus in Stanislaum bellantes; attamen ii ſemper in caſum abivere. Etenim Stanislaus innixus amori, boni animi imperiò, corporis ſervitiò utebatur. Etſi circumventio averni intenſè affeclabat Stanislaum ſuo regimini ſubjugare; attamen Stanislaus inutilis ſub ejusmodi gubernium factus, ſine ſpiritu ad delicias fuit, omneſq; futuros honores amore Divino abnegavit, divitias ſprevit & deriſit, unde ſine carens juſtitia perennat; atq; in ingreſſum Sacerrimæ Lateranenſium Canonicorum Religionis conſpiravit. O fortunatam! ô natam in gaudiis mortuò in vita Stanislao Caſimiriensem Terram! quæ Cælò datum Juvenem ſuſceperat, hanc proſperam! quæ portaverat, gratam! quæ mortuum in vita Stanislaum foverat. Tandem comparatum eſt, ut Stanislaus impoſitus eſſet ſancto loco Congregationi videlicet Cracoviensi prælibatorum Canonicorum, ibiq; pariter, protinus incredibilia amore Divino Stanislaus jam quæ Novitius, jam quæ Profeſſus, jam quæ Verbi Divini Preco, jam quæ ſacræ Paginæ Lector, jam adextremum quæ Conventûs Prior in ſe indicia mortis exaravit. Enimverò: quemadmodum nihil tam commune hominibus eſt, quàm ſpiritus vivis, mare fluitantibus, terra mortuis; ita nihil STANISLAO præ amore Divino tam uſtatam fuit, quàm corporis valetudinem ingenti mortificatione extenuaſſe, unde ſui i-

B. pfius



pius abnegatio; variis incommodis suam vivendi indulgentiam labefactasse, unde vitæ æternæ desiderium; tum ob ingentem eamq; incessantem ad DEUM intensionem extra sui corporis ergastulum existere consuevisse, unde incomparabilis devotio; seu penitus se vivum cohabitationi mundanæ rescidisse, & hoc ipso quasi mortuum, imò verè mortuū in vita constituisse. O sanctos Collegii parietes! ô tecta ipsa beata! sub quibus mortuus mundo & vanitati Stanislaus quievit. Sed etiam: ô tempora bona! quæ illum in vita ad incolumem dampnâstis mortem. ô temporum mores aurô notandos! qui Stanislaum vivum eripuistis mundo, & mortuum propter vitam lubricam, facro Collegio adscivistis, qui è vita Gloriosum Virum ad mortem transtulistis.

Atq; jam video Vos AA. ea, quæ de morte in vita Stanislai ad Vos refero magni pendere, video vultus singulorum verba mea intuentium tacita quadam admiratione distinctos, & idcirco commotus intensiori ardore ex Viro sancto percontari ausim: Ubi est Stanislæ! illa frontis caritas? quæ honorum expectationem nutrit, mortua. illa naturâ subridantium oculorum lenitas? quam persuasio adspectui opum accommodare cupivit, mortua. ubi est illa gratissima genarum rubedo, ille rubentium labiorum lepos? qui forsitan sperabatur mundo, mortuus. Ubi Tu ipse, seu veriùs, qualis Tu ipse Stanislæ? qui decorandæ familiæ, prættereunti utilitati natalis soli, emolumento amicorum, omnium spei fuisti, mortuus. O AA. quamvis modò mundus impetu etiam repentino me dicentem increparet: quid faris? mortuus in vita Stanislaus fuit? confestim illi responderem: ita est. Mortuus Stanislaus fuit, cum tua blandimenta neutiquam tantum non vidit, sed neq; audîrit, neq; gultârit, neq; odoratus fuerit, neq; palpârit. qualem ergo exinde Stanislaum specta-



ſpectabis? mortuum; Cùm item ſequentes ſciſcitarentur  
adverſarii: in vita mortuus Stanislaus extitit? extitit. U-  
tiq; ſui corporis formam ignorare & illi pretium ullum  
non ſcire addere, pugnam ſe adverſus non ſentire, vanas  
alleſiones non intelligere & non excipere, qualem eſſe  
præſtat? mortuum. Cùm vel ipſa ſanctis inimica men-  
tibus ſiſteret vanitas & quæreret: quid tu? Stanislaus in  
vita fuit mortuus? mortuus. Stanislaus ad te fumum ina-  
nem in vita mentē non habuit, non ergo vivus ad te fuit.  
O mortem! mortem Stanislai ſalvam! minimē horren-  
dam! omnibūs ſæculis prædicandam! totis animi nervis  
expetendam! quæ illum vanis blandimentis, inanibus il-  
lecebrarum ventis nuſpiam ſuccumbere permifit, at for-  
titer cavit, ut ſibi in ea vitam depromeret, ſuſcitaret.  
Satis fortassis AA. de morte in vita Stanislai. Pleni-  
jam Veſtri oculi, plenæ aures, atq; animi quanquam te-  
nuibūs adductis rationibūs de morte in vita Stanislai ple-  
ni. Eapropter huiusce rei negotium haud cupiam invo-  
lutum eſſe dubio arbitrari oportet.

Cùm Divina in ſuis ſecretiſſima myſteriis Providen-  
tia Chriſti ſvaviſſimis verbis: *Surge & feſtina Stanislai!*  
Ecce jam Stanislauum excitaverit; tunc mihi Eundem vi-  
vum in morte fuiſſe contemplari oportunum eſſe vide-  
tur. modò tantum AA. animos in Stanislauum extendite,  
ut quā mortuum in vita, illum vivum in eadem morte exti-  
tiſſe, poſſitis contueri. Atq; erant duo mortuum in vi-  
ta efficientia Stanislauum Dñum, totidem ſunt, vivum in  
morte indicantia: Prudentia & Veritas. Illius eſt nomen  
portare Ducis cæterarum atq; moderatricis virtutum.  
Hæc ipſa (ut Philoſopho dicere placuit) architeclan-  
di virtutes munia habet. Inſuper (prout Cicero con-  
ſideravit) vivendi ars & Magiſtra non immeritò vocatur.  
Etenim illa reliquīs virtutibūs tanquam adminiſtrīs ad



gloriosè operandum utitur, ordinemq; vitæ necessitatem  
factorum, agendi rationem præscribit, tum gravissimo no-  
mine Sapientia notatur. Et quidem ideo: nam; ut mentis  
humanæ oculus undiquaq; lucidissimus est, ita in omni ve-  
ri & decentis desiderio continetur. Contenta verò nôs-  
se veritatem facit. Quæ quidem veritas Cæli civis est,  
Dei convictu fruitur, fugiendas res, inter expetendas di-  
scernit. Nihil autem illo homine beatius esse potest, apud  
quem eæ cogitationes versantur, quæ illas duas, Pru-  
dentiam nempe & Veritatem spirant. Hoc ita præli-  
bato rogo Vos gravissimos Viros obtestorq; ( ut paulò  
ante dignati estis ) attendite, Stanislaum Casimiritanum  
in morte ex Prudentia & Veritate vivum intuituri. Atq;  
effatus sum, ut memini; Prudentiam nomine ampliori vo-  
cari Sapientiam, & Veritatem à Prudentia procedere; eam  
itaq; ob causam, quæ dicam de vita in morte Stanislai,  
junctim suppeditata à Prudentia, quæ est Sapientia, &  
Veritate, advertere erit necessarium. Crevit Stanislaus  
induta S. Patris Augustini per manus Caspari IV. à fun-  
datione Præpositi, veste, Religiosumq; magna animi cum  
aviditate consortium amplexatus est, & inibi vitam in mor-  
te, vitæ mundanæ ferventiùs anteposuit. Itaq; mortuus  
vanis ac fluxis pollicitationibus, cæpit vitam sanctitatis  
vivere & splendescere tanquam lucerna supra candela-  
brum posita, juxta quam cæteri sese depingerent. Quip-  
pe Præpotentis Domini gratia super Stanislaum irradiabat  
luculenter, mortuum ad vanitates, ut toties repetii; me-  
ritis in Sacerrima Congregatione vivificans adeò: ut  
quotquot essent jam institutò vitæ, jam consonantia mo-  
rum Ipsi persimiles, minime à calore Illius amicitiae  
se se abscondere valerent. Et quemadmodum Viri artis  
medendi periti amariores succos dulcore faccari tem-  
perare solent; ita Stanislaus primarias difficultates ad  
bona



bona opera Divinâ Præsentia affatim dulcoravit. Hincq; constitutum est; ut ope Præsentia Divinæ, sicut solis virtus ad herbas, sic ad merita Stanislai vigores vitam in morte præstantes abundantissimè defillarent. Cum igitur diem in diem, horam in horam in se Stanislaus majores ac majores insumebat virtutes, resq; Divinæ tantopere cordi Illius adestent, cognovit perquam bene, quomodo spretis & derisus vanarum illecebrarum successibus vivere in morte oportebat. Ac ideo optimè sua explebat desideria, cum se ita vivum in morte Divino representabat Vultui. DEUS itaq; infinitè in omnes bonus, in vitam Stanislai sua ubertim & copiosè auxilia effundebat. Exindeq; & aliò cognosci potest: quòd dum piè Stanislaus vixerit, Domini Præcepta servaverit, & docuerit, nec quidquam (prout mentis humanæ fragilitas patitur) à Veritate & Prudentia defecerit; vivus omnino in morte, non aliàs sectans blandimenta mundana, fuit. Et si quispiam aliqua hinc in parte reperiatur adeò tenuis præsentium ponderator rerum, qui, ut ita dicam; fremens inquirat: siquidem mortuus in vita Stanislaus fuit, non itaq; in morte vivus esse potuit, aut si fuit vivus, quid ergo fecit? ô vituperandam (si illa ubipiam invenitur) loquelam! Fecit Stanislaus vivens in morte & quidem devotione multum effecit. Cum Cæsum ipsum ad se conduxit in illo Rupellano Templo, quod ad solitum reddi Indigeti suo Cracoviensi Præsuli devotum honorem 6tâ de 8. diebus exemptâ Feriâ vulgò frequentavit. Virgo enim Casta, Plasmatoris Filia, Parens Salvatoris, Sponsa Sandificatoris, seu Templum Trinitatis, Filium suum, Nostri Dominum in manibus gestans, illis omni suavitate abundantibus est allocuta Stanislaum verbis: *Gaudeo Fili mi Stanislæ de insigni ista devotione tua. ideo tibi dico: viriliter age & esto robustus.* Advertendum hinc!

virili-



*viriliter age. Esto robustus.* O Virginis Sanctissimæ dul-  
cem imperativum modum! quis te auscultando in omnem  
grandiorem apprehensionem virtutum non efferatur?  
quis non exultet ad gloriosa opera? is reapse, qui mini-  
mam quidem pietatis scintillam non habet. At Stanisla-  
us quando ita hujusmodi virtute ardebat, fervor illius,  
sefē ad cæteras accendit virtutes. Accendit pietas Vi-  
rum devotissimum ad incredibilem abstinētiā, quæ a-  
nimæ vitæ & convivio est. Cū semper cibi mode-  
rationē, & specialiter sacris Quadragesimæ in diebus adeo  
observasse visus; ut semel tantū inter octo ferias modi-  
cæ aquæ & pane hordeaceo reficeretur. Excitavit in eo  
abstinentia misericordiam, quæ non modò vivos, sed eti-  
am reddit beatos, illaq; debita sibi claustralia fercula  
pauperum non tantū propria, at quoq; hæreditaria fecit  
fuisse. Misericordia traxit illum ad cæteras easq; per-  
multas, quæ vitam in mortē sustentabant virtutes, has  
verò æquis celebrare laudibūs, Cælum testor! non est  
tenuitatis meæ, tumq; et si aliquomodo possem de ipsis di-  
scurrere, id tamen, quod nempe tacere brevi elegerim,  
temporis necessitati imputandum, brevitatq; tribuendum  
est. Etenim infinitus in dicendo essem, si vivum in mor-  
te Stanislaui ampliori sermone prosequi attentarem. Ad-  
huc tamen non mirari non possum piissimam Animam Sta-  
nislaui, quæ in morte vitæ suæ exemplum omni pro-  
bitatum genere expressum olim venturæ ætati sequen-  
dum reliquit, oleum suarum virtutum non perdidit, ope-  
ra vitæ in morte, ac si exulptas imagines, sæculis spe-  
ctanda tradidit. Vixit Stanislaus in morte, quando su-  
am mentem virtutibus reficiebat. Vixit, quando svavi-  
tatem in recitando experiebatur psalterio, in Divinis dies  
noctesq; perardenter versabatur precibus. Vixit, quan-  
do ad castigandum & mortificandum corpus suum, in  
quan-

quandam ( ut dicam ) feritatem atq; crudelitatem con-  
 vertebatur. Vixit, quando scelera tanquam infedissi-  
 mum virus oderat. Agē verò de Illius erga proximum  
 fervore, animus id considerando stupet, gaudia inde con-  
 cepta vocem impediunt, facultasq; dicendi temperatur,  
 seu verbis exprimere non possum quanto Vir iste in pro-  
 ximum amoris ardore ferebatur. Quid est? ne justum  
 Cælum severam pœnam in scelera fulminet, Divinam pre-  
 cari Majestatem. quid inquam est? vivere est in morte  
 & proximum ad vitam eripere de morte. Tandem Sta-  
 nislai Preconis Verbi Divini fervor, quomodo erga pro-  
 ximum est progressus? en in omnes sibi adstantes semina  
 jaciebat virtutum, & ne jacta humorum inopiâ facile  
 arefcerent, fuit Stanislaus in suggestu concionatorio tan-  
 quam Cælum amœnissimum satis superq; satis Doctrinæ  
 Spiritualis imbribus pluens. Quodsi homines, ut terra  
 sterilis suscipiendis seminibus minus idonei essent, sed  
 tanquam filicei vel adamante conflati; illico eos Verbò  
 Divinò ceu gladiò bis acutò passinabat, atq; in audien-  
 tes se, hoc frequentius eloquebatur monitum: *Tu qui Mis-  
 sam audis & à fine recedis, nulla tibi merces datur, quia  
 laus Divini officii in fine probatur.* Testes sunt vitæ in  
 morte Stanislai animæ peccatrices, sceleribus marmore  
 velut obductæ, quas Ille sic inflexit ad Dominum, ut  
 nesciam! quis melius posset. Testes animæ hæresit ac  
 petrâ durissimâ circumdatae, quas Ille sic emolliit, ut  
 vera in Deum fide colliquescerent. Idcirco: an non vi-  
 vum in morte Stanislaum habemus? cum animas impio-  
 rum de laqueo mortis sua prædicatione omnia sancta, o-  
 mnia Divina spirante emancipare cupivit. At cupivit  
 Stanislaus animas peccatrices emancipare de morte, tum  
 sanctas corroborare in gratia suæ adjumentò Sapientiæ;  
 quæ Prudentiâ & Veritate quasi columnis sustulsa iuit.

Sapien-



Sapientia Stanislai coram Deo Maximo ex tanto prædicationis labore lectam est adepta gloriam. Refulgit illa ut inter nebulas arcus, & stella inter tenebras. Coruscavit ut Luna, & resplenduit quasi Sol. Sapientia Stanislai normam dedit Religioni, exemplar Justitiæ, humilitatis ac pietatis se exhibuit, veritatemq; asseruit & fidem munivit. Fuit deniq; Sapientia in Stanislao castitatis cultrix, voluptatis flagellum. O sapientiam humilem an sapientem humilitatem! Sapientiam! omnibûs perfectionum numeris absolutam! quæ fundamentum gloriæ æternum coram DEO victuriæ construxisti, honestorum morum, virtutum eximiarum summam tum in se; cum in hominibus in tempore suo collegisti. Verum; pro Deum hominumq; fidem! aut (si esse posset) Demosthenicum induendum dicendi acumen, aut Ciceroni invidenda facundia, aut insuper Divina quædam esset mihi modò appetenda eloquentia. Siquidem: cujus oratio enarrare, qui sensus percipere, quæ mens aut cogitatio capere valeat? quàm lætò animò, non trepidanti arreptione valetudini obnoxia Stanislaus perpeßus. Non equidem fractus annis prope sexagenarius, extenuatus sanctis pro gloria Dei, pro integritate animarum Christi ex Cathedra ecclesiastica profusis laboribus, evisceratus sanitate in nutriendo sacris literis Professos Regulares fidei suæ commissos; non equidem inquam sibi molestiæ habuit plenus dierum Stanislaus, & proximus diem illā beatè interminabilem existens prægrandi fuisse inclinatum morbo adeò: ut æquabilem ad omnes mortificationes, incommoda & casus acerbos animum ostenderet, seu prospera illi, seu adversa nuntiarentur, difficileq; foret, & omnino extra praxim Stanislauum non alacrem ad ferenda amara deprehendere. Atq; non solum ipse sibi Stanislaus in adversis reclinari voluit, cum persæpe junioribus Fratribus;

Fratribus; quibus etiam ægritudine adstrictis sponte obsequeretur, vehementer inquebat; *Fratres charissimi oportet nos per multas tribulationes introire in Regnum Cælorum.* O sanctum introitum! qui per mortem in vitam, per vitam in morte, ad vitam finè morte apertus Stanislaus habebaris. Vivens Stanislaus in morte omnia sua facta Divinæ Providentiæ committebat, & quocunq; Præpotentis Dei voluntas illum dirigeret, eò animum confestim inclinabat. Inclinauit animum Stanislaus ut pote in morte vivus ad Voluntatem supernam. Christus enim Dominus cum sua Intemerata Genitrice de Cælo ad ægrum valetudine venit & affatus: *Surge Fili mi Stanislaus! hodie me cum eris in Paradiso.* Surrexit Stanislaus Aterni Patris Filius, & Sacramentis devotè præmunitus, Fratribus charissimis abundanti benedictione relicta, vitam pacis arripuit. Quapropter: Stanislaus è vita in morte peracta, cum ad vitam præter mortem ducendam discesserit; Vestram eousq; benevolam ne videar exacerbare patientiam, finem orationis appello, at pro laudibus Dñi Viri copiosius dicendi provinciam, cæteris post me didicurus relinquo.

Sed Sacerrime Lateranensii Canonorum Ordo! ex Tui Stanislai proficiscentem laudatione ad Te diverti orationem necesse est. Hæc quid in laudibus Tuis operetur, nescit, penitusq; ignorat. Non ignorat meritum Tuorum sublimitatem; verum qua via fat Te laudandi possit in eam venire ignorat. Igitur erit voluisse satis atq; sufficere id encomiis Tuis, quod Te exasse laudare non quidem mihi exiguo, aut & multis aliis difficile videatur. Neq; suspicetur aliquis vocem meam blandienti assentatione esse, quandoquidem qui & qualis de Ecclesia Dei spectaris meritis, illisq; quam graviter accommoda construi debet oratio, vulgatissima sæculorum testifi-

C

catur



ceatur fama. Nihil ego possum copiâ fandi gloriæ Ve-  
 stræ impertiri & dare, quia dedit satis Sixtus IV. Pon-  
 tifex Maximus in Vestrum Lateranensem Ordinem men-  
 tē suam convertens, Eundē indicando sequentibus: *\* Ordo  
 Lateranensium Canonorum;* qui veteri in testamento my-  
 sticē à Levitis inchoatus, à Sancto Joanne Baptista præ-  
 ostensus, in novo testamento à Christo Dño demonstra-  
 tus, ab Apostolis institutus, tandem à Præsule Hippo-  
 nensi ordinatus, antiquitate, eruditione, regimine, no-  
 bilitate, atq; Sanctorum numerositate perquam ornatus  
 & splendidus. ille inquam Ordo *ab ineunte nascentis Ec-  
 clesiæ ætate, sanctæ institutionis ac primorum Christianæ Re-  
 ligionis Clericorum norma, à primæva sui fundatione variis  
 virtutum meritis semper resplenduit.* Resplenduit Ordo  
 Sacerrimus Vester & eousq; resplendet, cum Vicariam  
 Christi non ascendit Sedem, qui in Lateranū non descen-  
 dit. Cum Apostolicæ Cathedræ Regimini militantis Ec-  
 clesiæ Urbanum II. Paschalem II. Honorium II. Inno-  
 centium II. Alexandrum III. Innocentium III. Hono-  
 rium III. permultosq; alios in Summa Capita edidit. Re-  
 splendet hæc Vestra Cracoviensis Congregatio & in ven-  
 turas olim ætates resplendeat, cum multos sanctos un-  
 diquaq; virtute refertos Viros, prout & Casimiritanum  
 Dñum ad protegendam Poloniam, ad suum ornamentum  
 exposuit. Ac ideo fervor animi mei Vobis ita fidentiùs  
 imperare auit.

Plausus jungite plausibus.

Gaudia superaddite gaudiis.

Seu Plausibûs utimini & gaudiis.

En STANISLAUS Dñus delictum Vestrum, gloria  
 incomparabilis & æviterna, unio inæstimabilis pre-  
 tium afferens ad merita Vestra: quæ majoribûs ac mayo-  
 ribûs

\* in sua Bulla, quæ incipit: Dudum ad Universos &c.

ribûs honoris & amplitudinis suæ incrementis, victu-  
rîsq; ad omnem posteritatem laudibûs nunquam desinant  
coronari. Itemq; AA. quòd me Vestrà præsentia con-  
decorare & tam attentè dignati estis audire, hoc meo de-  
vincissimò homagiò abundè satisfactum & cumulatè gra-  
tias relatum esse, judicetis exposco. At verò mortuum  
STANISLAUM in vita contemplati sumus, Eundem vi-  
vum in morte fuisse habuimus, itaq; moriendi in vita,  
vivendi in morte STANISLAUM tanquam imaginem  
speculemur, convenit. Etenim positum nobis in oculis  
est; qnia nati sumus ut viveremus, vivimus ut moria-  
mur, morimur ut vivamus. Sed Dñe STANISLAE!  
hoc tuîs in nobis operare gratiis, ac insuper univer-  
sim Regni Poloniæ, quod Te suum est nactum Patro-  
num neutiquam Clientelam terminare finas, eidemq; ac  
Matri meæ Academiæ, quæ Te ut viveres lacte sapi-  
entia nutrit, tandem suum Professore Doctoralibûs  
cohonestavit fertis, in quavis necessitate protectionem  
tribue.

Ego verò; Dñe Aulæ Cælestis Incola! ut ad  
istum amplissimum dicendi pro Tua gloria locum posteri  
dies illos tantùm modò introducant Oratores, quibus u-  
berior quàm mihi suppetat orationis facultas, atq; lau-  
dum Tuarum eminentiam non tenui verborum copia;  
quod ego feci, sed disertissimis lingvis vivacissimè ex-  
primere, sanctissimè prosequi valeant, tum iidem suæ  
eloquentiæ flumina copiosis periodis in laudes Tuas ef-  
fundant, & quidquid erit elegantia, quidquid eximio-  
rum verborum, quidquid decoris ex facundia offerant;  
omnifariam comprecabor.


D I X I.






*P E R M I S S U*  
MAGNIFICI & AMPLISSIMI  
DOMINI  
R E C T O R I S.











Biblioteka Jagiellońska



stdr0024106



